

decima nona mensis Julii anno a nativitate domini millesimo quadringentesimo quadragésimo quinto.
R. de Wyndecke.

Nach dem Orig. im Stiftsarchiv zu Meissen mit dem Siegel an rothseidener Schnur.

No. 995. 1445. 8. Sept.

Kurf. Friedrich II. verfügt zu Beseitigung eines Streites zwischen dem Domcapitel und seinem Vogte zu Meissen, dass Ersterem zwar im Dorfe Birmenitz die Obergerichte zustehen, die Verbrecher aber nach gehegtem Gericht an den Vogt abzugeben seien.

Wir Friderich von gotes gnaden herczog zu Sachsen, des heiligen Römischen richs erezmarschalck, lant graue in Doringen vnd marcgraue zu Missen für vns vnsern lieben bruder herczogen Willhelmen vnd vnser beider erben bekennen — als seliger gedechnuß er Heinrich von Hoensperg ritter das dorff Pernicz^{a)} in der pflege zu Missen gelegin mit gerichtten obersten vnd nydersten vnd andern sinen zugehorungen had innegehabt, vnd darnach dasselbe dorff an die wirdigen, vnseren lieben andechtigen . . tumprobste . . techand vnd das gemeyne capitel der kirchen zu Miessen in kauffs wise mit gunst vnd vorhengnuß vnsern lieben herren vnd vater seligen gedechnuß komen vnd geeygent ist, vnd als hernachmals die iezund genannten tumprobst techand vnd capitel mit dem vesten Thymen Ruchhöbt diezeit vnserm voite zu Missen von des obersten gerichtts wegen des genannten dorffs hals vnd hand antreffend in zewitragt vnd vneynikeit waren komen, das wir vns darumb mit flisse haben erfahren vnd nach sollicher erfahrung durch müntliche vnd brifliche kuntschaft eigentlich erfunden, das die egenanten tumprobst techand vnd capitel die gerichte, bede oberste vnd nyderste über hals vnd hand in dem vorbenannten dorffe zu Pernitz, als wiit das mit sinen hoffreiten vnd zwhnen vmbfangen had, haben sollen, das darinne als oft sich das von vorlauffen geschichten gebürt, sitzen vnd verwandelt nemen, vnd alsdanne den schedbann vnd theter, ab der anders darinne begriffen vnd ingefengnuß behalden wirdet, der den tod verschult hette, mitsampt dem ermordten vnserm voite zu Missen iezuzzeiten ane allen intrag vnd widderrede vß dem genannten dorffe vnd sinen zwhnen antworten, der danne furder nach gerichtts lauffte von vnsern wegen, als sich das eischen wirdet, richten sal vnd mag. Hirumb¹⁾ heissen vnd gebieten wir ernstlichen mit dißem brife vnserm voite, der iezund vnser voit zu Missen ist vnd einem iglichen, der in kunfftigen zeiten vnser voit daselbst zu Missen sin wirdet, das ir furbaßmer zu ewigen zeiten den vorgeannten tumprobste techande vnd capitel der kirchen zu Missen vnd iren nachkomen keinen intrag noch infall in das egenante oberste gerichte des dorffs zu Pernicz enmachtet, sundern es domit in allermasse haldet, als hiuorgescriben stet angeuerde. Des zu warem vrkunde ist vnser insigel an dißen brieff gehangen, der gegeben ist zu Missen an

a) Birmenitz. Par. Neckanitz.

1) als weit das mit sinen hoffreiten vnd zunen vmbfangen hat, haben sollen, darinne gerichte über morderie, duberie vnd notzohens, als oft sich die darinne vorlauffen vnd gescheen, sitzen vnd alsdanne vonstund nach sollichem gesessen gerichte die teter morder diebe vnd notzoger vnserm voite zu Missen yetzuzzeiten ane allen intrag vnd widderrede vß dem genannten dorffe vnd vß sinen zunen antwortten sollen.
Dorumbe B.